

† Տ. Ա. Դ. Ա. Մ. Վ. Ա. Բ. Դ. Ա. Պ. Ե. Տ.

Տարւոյն օգոստոսի 28-ին Արգեազու ա. Խաչ վանքում իւր մահկանացուն կնքեց անակնկալ պատահարի ենթարկուելով (պատի փլուածքի տակ ընկնելով) նոյն վանքի վանահայր Տ. Ադամ վրդ. Արզումանեանը:

Ծնուած է 1859 թուին, երկար ժամանակ ծառայել է Ս. Լճմիաճնում, վեղար է ստացել 1890 թ. եղել է վանահայր ա. Հռիփսիմէի վանքում, ապա նշանակուել է Արգեազի Ս. Խաչի վանահայր, ուր և մնացել է մինչև իւր վախճանը:

Տէրը լուսաւորէ հանդուցեալի հոգին:

ՕՏԱՐ ԵԿԵՂԵՑԻՆԵՐ

ՌՈՒՍԱՑ ԵԿԵՂԵՑԻ

Մոսկուայում հոկտեմբերի 10-ին բացուել է Մոսկուայի թեմի հոգևորականութեան ժողովը:

* *

Վրաստանի էկզարխը Սինոդին միջնորդել է աւելացնելու Կովկասի հոգևորականութեան ուժիկը:

* *

Սինոդին կից դպրոցական յանձնաժողովը մշակել է մի շարք միջոցներ կրօնի դասաւանդումը կանոնաւորելու միջնակարգ դըպրոցներում: Հոգևոր ճեմարաններում աւանդուելու են կրօնի մեթոդիկա և լինելու են գործնական պարապմունքներ: Կրօնի դասաւանդման հարցը կանոնաւորելու համար ընտրուեց յանձնաժողով յայտնի մանկավարժ Լասխոտսկի աւ. քահանայի նախագահութեամբ:

* *

Մակարի մետրոպոլիտը միջնորդութիւն է յարուցել ներքին գործոց նախարարութեան առաջ, որ քաղաքային նոր կանոնադրութեան մէջ ուղղում լինի այն մասին, որ հոգևորականներն էլ կարողանան օգտուել ընտրական իրաւունքից:

* *

Սինօդի ձմեռային նստաշրջանին աշխարհիկ հոգևորականութիւնից պէտք է մասնակցեն երեք աւագ երէց, մինչև այժմ նման դէպք չի եղել: Բացի զինուորական իշխանութեան աւագ երէցից պէտք է նշանակուի նաև Նոյին Մեծութեանց պալատական աւագ երէց Վասիլը:

Սինօդի նիստերից ազատ է կացուցուելու Սինօդին կից ուսումնարանական յոնձնաժողովի նախագահ Սերգէյ արքեպիսկոպոսը, որը 10 տարի անընդհատ մասնակցում էր նիստերին:

* *

Սինօդը կարգադրել է, որ քահանաները արձակուրդ ստացած զինուորներին և զինուորական պարտաւորութիւն ունեցող բանուորներին չպսակեն:

* *

Սինօդը շուտով քննութեան կառնէ թեմական կառավարութեան բարեփոխութեան հարցը. կոնսիստորիաների տեղ պէտք է լինին թեմական կառավարութիւններ և դատարան: Դատարանի անդամներին նշանակելու է Սինօդը. թեմակալը ունենալու է խորհուրդ, որի անդամները լինելու են թեմի զանազան վարչութիւնների գլուխ կանգնած անձինք:

* *

Կրասնոեարի և Նիխէյի եպիսկոպոս Պետական Դումայի անդամ Նիկոնը իր իշխանութեամբ թոյլատրեց ծխականներին քահանաներ ընտրել, ձայնի իրաւունքով օգտուում են նաև կանայք 21 տ. հասակի: Նիկոն եպիսկոպոսից բացատրութիւն են պահանջում այս հարցի մասին, թէ ընտրական սկզբունքն ինչպէս է ազդել ծխի կեանքի վրայ:

* *

Սինօդը ի նկատի ունենալով, որ Բուկովինան ունի իւր անկախ հոգևորական կառավարութիւնը, Տրապիզոնի շրջանն էլ կառավարում է մետրոպոլիտ Խրիստանթօմը, որը ենթակայ է Պօլսի պատրիարքին, որոշեց այդ շրջանների եկեղեցական վարչութիւնները չփոխել, միայն աստուածաշտուութեան ժամանակ պէտք է յիշատակել ոչ նախկին իշխանաւորներին, այլ ուսական կայսերական Տանը:

* *

Ինչպէս լսուամ է Սինօդի աւագ դատախագ Թաւր խօսակցութիւն է ունեցել ներքին գործոց նախարարի հետ այն մասին, որ գիւղական հոգևորականութեանը մասնակից անեն գիւղերում պարենաւորման գործին: Սինօդն ևս քննութեան կառնէ հոգևորականութեան ունենալիք դերը պարենաւորման գործում:

* * *

Կենսական միջերջների սոսկալի գները ստիպել են շատ դասատուների հոգևոր տարրական դպրոցները թողնել: Թեմական իշխանութիւնն աշխատել է ուսուցչուհիներ հրաւիրել հեռացածների վերադարձն, բայց ապարդիւն, որովհետև դասագները շատ քիչ են: Որոշուած է սեմինարիաների բարձր դասաբանների աշակերտներին ուսուցչութեան հրաւիրել:

* * *

Ներքին գործոց օտարադաւանների հոգևոր գործերի դեպարտամենտի կառավարիչ Պետկևիչը պաշտօնից հրաժարուել է, նրա տեղ նշանակուել է նոյն նախարարութեան խորհրդի անդամ Իսկական պետական խորհրդական Խարլամովը:

* * *

Սինօդը հրամանագրել է բոլոր քահանայագործողների իւրաքանչիւր աստուածապաշտութիւնից յետոյ մաղթանք կատարել ոռւս և դաշնակից զօրքի յաղթութեան և հոգեհանգիստ պատերազմի դաշտում ընկածների համար:

* * *

Պետրոգրադում վրացոց ներկայացուցիչները Պիտիրիմ մետրօպօլիտին ընծայաբերել են մի թանգագին հովուական ցուպ, զուտ վրաց աղգային քանդակագործութեամբ: Արծաթապատ է, թանգագին քարերով զարդարուած, գլխին արծաթէ խաչ «Բարի հովիւ» մականգրութեամբ. մի քիչ ցած վրացերէն և ուսերէն լեզուներով գրուած է «Իվերիայի եկեղեցու պաշտպանին և հովանաւորին Գերապատիւ Պիտիրիմ մետրօպօլիտին Վրաստանի երախտապարտ և սիրող որդիներից»:

Ցուպը մատուցանողը եղել է իշխան Աբխազին. Պետական Խորհրդի նորընտիր անդամը. նրա հետ եղել են 14 այլ ներկայացուցիչներ:

Պիտիրիմ մետրօպօլիտը շնորհակալութիւն է յայտնել և աւելացրել է, թէ իր անկեղծ ձգտումն է ընդառաջ գնալ Իվերիայի եկեղեցու իսկական շահերին, բայց շատ բան իրենից չէ կախուած. բայց յուսալ պէտք է լաւ ապագայի և աշխատել:

* * *

Սինօդը որոշել է եկեղեցական և վանքական ազատ գումարներով զննել զինուորական փոխառութեան արժէթղթեր:

* *

Կիւի շրջանի հոգևորականութեան յայտարարուած է, որ պէտք է այդ շրջանում տեղաւորուեն 15,000 գաղթական ռումիններ: Կոնսիստորիաները պէտք է հոգևորականներին պատուիրեն, որ ժողովրդին յորդորեն գաղթականներին եղբայրական օգնութեան հասնեն՝ սնունդ ու ապաստարան մատակարարելով:

Կ Ա թ Ո Ւ Ի Կ Ե Կ Ե Ղ Ե Ց Ի .

Նոյեմբերի 1-ին (ն. տ.) կաթոլիկ եկեղեցին կատարում է «Ամենայն սրբոց» տօնը: Փարիզում այդ օրը զնում են գերեզմատուն և իրենց մերձաւորների գերեզմանների վրայ ծաղիկներ, պսակներ են դնում:

Այս պատերազմի սկզբից այդ օրը ազգային բնաւորութիւն է ստացել: Գնում են պատերազմում ընկած զինուորների գերեզմանների վրայ պսակ դնելու և քաղաքացիք և պաշտօնական անձինք:

Այս տարի գերեզմանատուն գնացողների թիւը շատ մեծ է եղել: Հանրապետութեան Նախագահն էլ այցելել է պատերազմում ընկած զինուորների գերեզմանները և պսակներ դրել:

Այդ օրը գերեզմանատուն է գնացել 746,000 մարդ: Մերձաւոր թիկունքի զինուորներն ևս այդ օրը իրենց ընկերների յիշատակին հոգեհանգիստ, պատարագ են անել տուել բոլոր դաւանութիւնների ծէսերի համաձայն. դրուել են պսակներ:

* *

Հռոմում ապրող մի քանի ազգեցիկ լեհեր պաշտօնապէս դիմել են պապին և բողոքել, որ Գերմանիան Լեհաստանի անկախութիւնը հրատարակելով լեհական զօրաժողով է անում: Պընդողներ կան, որ Վատիկանը մճռել է չճանաչել Լեհական նոր թագաւորութիւնը:

* *

Լեհաստանի կաթոլիկ հոգևորականութիւնը ուժեղ դիմադրութիւն է ցոյց տալիս գերմանացիների գրաւած ու անկախ յայտարարած լեհական գաւառներից զօրք ժողովելուն: Վարչաւարտ արքեպիսկոպոսը խիստ դատապարտում է գերմանացոյ ծրագիրը: